



**F**Ridericus ex nobili familia à Vveinsperg natus est anno circiter millesimo quingentesimo sexto. Hic cum felici ingenio esset præditus, à teneris annis operam literis dedit, & in patria prima artium & linguarum fundamenta iecit. Postea sese hinc inde ad academias contulit, & Friburgi Brisgauriæ diligenter libris incubuit. Itaq; factum ut eruditionem sibi insignem compararit. Accedebat etiam vitæ puritas, & morum innocentia. Postea sese Vvurtzeburgum contulit, atque inter eius ecclesiæ canonicos receptus, ob uirtutes in magna existimatione fuit. Cum hoc modo perseveraret, atque Melchior Episcopus aduersariorum insidijs

succubisset, Fridericus anno post natiuitatem Christi millesimo quingentesimo quinquagesimo octauo omnium suffragio præsul Vvurtzburgensis et dux Ostfranciæ electus fuit. Eam dignitatem adeptus in primis antecessori iusta persoluit, & regale sepulchrum instituit. Inde per totam ditionem pacem recuperauit, atq; ut passim in Ecclesia & politica administratione omnia ritè peragerentur curauit.